



Na osnovu člana 8. i člana 13. Zakona o principima lokalne samouprave u FBiH ("Službene novine FBiH", br. 49/06 i 51/09) i člana 19. stav (1) tačka 4), člana 141. stav (1) i stav (2) i člana 142. stav (1) tačka 5) Statuta Općine Novo Sarajevo ("Službene novine Kantona Sarajevo", broj 5/20 - Prečišćeni tekst i 20/20 - Ispravka), Općinsko vijeće Novo Sarajevo, na 14. redovnoj sjednici, održanoj dana 30.06.2026. godine, donosi

**ODLUKU
O USLOVIMA I NAČINU UTVRĐIVANJA STATUSA UDRUŽENJA I FONDACIJA OD
JAVNOG INTERESA ZA OPĆINU NOVO SARAJEVO**

I – OPĆE ODREDBE

**Član 1.
(Predmet Odluke)**

Ovom Odlukom uređuju se uslovi i način utvrđivanja statusa udruženja i fondacija od javnog interesa za Općinu Novo Sarajevo.

**Član 2.
(Definicije)**

- (1) Udruženja i fondacije, u smislu ove odluke, su pravna lica osnovana i registrovana u skladu sa pozitivnim propisima o udruženjima i fondacijama.
- (2) Javni interes predstavlja razvoj i afirmaciju obrazovnih, kulturnih i sportskih aktivnosti, aktivnosti usmjerenih na djelovanje mladih, zaštitu prava i interesa djece i odraslih sa poteškoćama u razvoju, zaštitu oboljelih od teških bolesti i ranjivih skupina.
- (3) Javni interes iz stava (2) ovog člana ostvaruje se podrškom lokalne zajednice udruženjima i fondacijama koji djeluju na području općine i saraduju sa Općinom, čime se unapređuje dostupnost njihovih programa građanima općine, ali i stvaraju se uslovi za razvoj svake pojedinačne oblasti iz stava (2) ovog člana, s ciljem osiguranja zajedničke dobrobiti i razvoja društva u cjelini.
- (4) Podrška lokalne zajednice ostvaruje se kroz podršku programskim ciljevima udruženja, međusobnom saradnjom u ovim aktivnostima, kao i na druge prigodne načine, te kroz osiguranje finansijskih sredstava u Budžetu Općine Novo Sarajevo za podršku rada udruženja/fondacija u skladu sa finansijskim mogućnostima Općine.

**Član 3.
(Status od javnog interesa)**

Status javnog interesa za Općinu Novo Sarajevo, mogu steći udruženja i fondacije čija djelatnost doprinosi afirmaciji i razvijanju:

- a) obrazovanja,
- b) kulture,
- c) sporta,
- d) mladih,
- e) socijalne zaštite,
- f) suživota, multietničnosti i multikulturalnosti,
- g) zaštite prava i interesa osoba sa poteškoćama u razvoju,
- h) zaštite oboljelih od teških bolesti i drugih ranjivih skupina.

Općina Novo Sarajevo, ulica Zmaja od Bosne br. 55, centrala telefon (387 33) 492 100

Općinsko vijeće Novo Sarajevo

tel: (387 33) 492 268, fax: (387 33) 650 397, email: vijece@novosarajevo.ba

Identifikacioni broj: 4200558710008 PDV broj: 200558710008 Porezni broj: 0170333000

Depozitni račun 1411965320011288 Bosna Bank International d.d.

II-USLOVI

Član 4. (Opći uslovi)

Udruženja i fondacije koje mogu steći status javnog interesa za Općinu Novo Sarajevo moraju ispunjavati sljedeće opće uslove:

- a) da su osnovani i registrovani u skladu sa pozitivnim propisima;
- b) da imaju sjedište na području općine Novo Sarajevo najmanje 5 godina,
- c) da svoje aktivnosti razvijaju na području općine Novo Sarajevo;
- d) da ne obavljaju aktivnosti u ime političke partije;
- e) da uredno izmiruju poreske obaveze, da su opravdali dodjeljena sredstva iz budžeta Općine Novo Sarajevo (ukoliko su im dodjeljena), te da uredno izmiruju obaveze prema pravnim licima čiji je osnivač Općina Novo Sarajevo.

Član 5. (Posebni uslovi)

Pored općih uslova iz člana 4. Odluke, potrebno je da udruženja i fondacije ispunjavaju i sljedeće posebne uslove:

- a) da aktivno djeluje na području općine Novo Sarajevo najmanje 5 godina;
- b) da svojim aktivnostima doprinosi razvoju kulture, sporta, obrazovanja i djelovanja mladih ili pružaju podršku oboljelima od teških bolesti, ranjivim skupinama, djeci i odraslim osobama sa poteškoćama u razvoju;
- c) da uključuje građane sa područja općine Novo Sarajevo u svoje programe;
- d) da aktivnosti udruženja predstavljaju aktivnosti od javnog interesa za Općinu Novo Sarajevo u smislu člana 3. ove Odluke;
- e) da ostvaruju rezultate i prepoznatljivost na lokalnom, kantonalnom ili državnom nivou, te da su uključeni u događaje kroz koje se omogućava afirmacija Općine Novo Sarajevo, Grada Sarajevo i države Bosne i Hercegovine;
- f) da svojim djelovanjem doprinose jačanju tolerancije i razvoju demokratskog društva;
- g) da svojim djelovanjem afirmišu urbani identitet i vrijednosti.

III-NAČIN STICANJA STATUSA

Član 6. (Podnošenje zahtjeva)

- (1) Zahtjev za sticanje statusa od javnog interesa za Općinu Novo Sarajevo dostavlja se Općinskom načelniku i to od strane ovlaštenih lica ili organa udruženja ili fondacije.
- (2) Zahtjev iz stava 1. ovog člana, mora sadržavati obrazloženje i dokaze o ispunjavanju uslova iz člana 4. i 5. ove Odluke za konkretnu oblast od javnog interesa iz člana 3. ove Odluke.

Član 7. (Postupak po zahtjevu)

- (1) Po zaprimljenom zahtjevu Općinski načelnik putem Službe nadležne za konkretnu oblast razmatra da li su ispunjeni uslovi iz člana 4. i 5. ove Odluke.
- (2) Nadležna Služba razmatra i cijeni dostavljene dokaze, utvrđuje da li su ispunjeni uslovi iz člana 4. i člana 5. ove Odluke, te ukoliko utvrdi da je podneseni zahtjev opravdan, priprema prijedlog

Općina Novo Sarajevo, ulica Zmaja od Bosne br. 55, centrala telefon (387 33) 492 100

Općinsko vijeće Novo Sarajevo

tel: (387 33) 492 268, fax: (387 33) 650 397, email: vijece@novosarajevo.ba

Identifikacioni broj: 4200558710008 PDV broj: 200558710008 Porezni broj: 0170333000

Depozitni račun 1411965320011288 Bosna Bank International d.d



Odluke o uslovima i načinu utvrđivanja statusa udruženja ili fondacija od javnog interesa za Općinu Novo Sarajevo i isti dostavlja Općinskom načelniku na saglasnost.

- (3) Općinski načelnik dostavljeni prijedlog razmatra te ukoliko je sa istim saglasan upućuje ga Općinskom Vijeću na razmatranje i donošenje konačne odluke o proglašenju udruženja/fondacije od javnog interesa za Općinu Novo Sarajevo.
- (4) Sastavni dio prijedloga Odluke o utvrđivanju javnog interesa za određeno udruženje ili fondaciju je naznaka o eventualnom obezbjeđenju finansijskih sredstava u budžetu Općine Novo Sarajevo.
- (5) Ukoliko nadležna općinska Služba utvrdi da zahtjev nije opravdan ili da nisu ispunjeni uslovi iz člana 4. i 5. ove Odluke o proglašenju udruženja ili fondacije od javnog interesa, o tome obavještava Općinskog načelnika i podnosioca zahtjeva.

Član 8. (Prestanak statusa od javnog interesa)

Udruženju ili fondaciji prestaje status od javnog interesa za Općinu Novo Sarajevo u sljedećim slučajevima:

- a) po sopstvenom zahtjevu;
- b) brisanjem iz registra udruženja i fondacije nadležnog organa uprave u kojem je udruženje ili fondacija registrovano;
- c) ukoliko udruženje ili fondacija nakon dodjele statusa od javnog interesa za Općinu Novo Sarajevo ne realizuje aktivnosti i ciljeve utvrđene statutom, programom rada udruženja ili fondacije, ne podnese blagovremeno i tačno izvještaj o utrošenim sredstvima, godišnji izvještaj o radu usvojen od strane ovlaštenog organa udruženja ili fondacije;
- d) ukoliko udruženje ili fondacija prestanu ispunjavati neke od uslova po osnovu kojih je utvrđen njihov status udruženja ili fondacije od javnog interesa za Općinu Novo Sarajevo.

IV-NADZOR

Član 9. (Nadzor)

- (1) Načelnik osigurava nadzor nad provođenjem finansiranja udruženja ili fondacije od javnog značaja iz budžeta Općine Novo Sarajevo, putem nadležnih službi.
- (2) U praćenju nadzora, nadležne službe, svaka iz djelokruga svoga rada, prate realizaciju aktivnosti od javnog interesa i utrošak dodjeljenih budžetskih sredstava i daju mišljenje o izvršenom nadzoru Općinskom načelniku.
- (3) Udruženja i fondacije od javnog interesa za Općinu Novo Sarajevo dužna su u roku do 15.01. naredne godine nadležnoj službi dostaviti Izvještaj o radu za prethodnu godinu, kao i finansijski izvještaj o utrošenim sredstvima, ukoliko su udruženju ili fondaciji dodjeljena sredstva iz budžeta Općine Novo Sarajevo.

V-PRELAZNE I ZAVRŠNE ODREDBE

Član 10. (Izuzetak od primjene)

- (1) Odredbe ove Odluke se ne primjenjuju na već donesene Odluke kojima su proglašena udruženja od javnog interesa ili posebnog društvenog značaja, u konkretnim oblastima.

Općina Novo Sarajevo, ulica Zmaja od Bosne br. 55, centrala telefon (387 33) 492 100

Općinsko vijeće Novo Sarajevo

tel: (387 33) 492 268, fax: (387 33) 650 397, email: vijece@novosarajevo.ba

Identifikacioni broj: 4200558710008 PDV broj: 200558710008 Porezni broj: 0170333000

Depozitni račun 1411965320011288 Bosna Bank International d.d



(2) Odredbe ove Odluke ne primjenjuju se na proglašenje boračkih udruženja od posebnog interesa i društvenog značaja za Općinu Novo Sarajevo koja taj status stiču u skladu sa Odlukom o kriterijima, uslovima i načinu utvrđivanja udruženja sa statusom od posebnog interesa i društvenog značaja za Općinu Novo Sarajevo („Službene novine Kantona Sarajevo“ broj: 23/17,3/20 i 11/25).

Član 11.
(Stupanje na snagu)

Ova Odluka stupa na snagu osmog dana od dana objavljivanja u “Službenim novinama Kantona Sarajevo”.

Broj: 02OV-01-1-6594/26
Sarajevo, 30.06.2026. godine



Općina Novo Sarajevo, ulica Zmaja od Bosne br. 55, centrala telefon (387 33) 492 100

Općinsko vijeće Novo Sarajevo

tel: (387 33) 492 268, fax: (387 33) 650 397, email: vijece@novosarajevo.ba

Identifikacioni broj: 4200558710008 PDV broj: 200558710008 Porezni broj: 0170333000

Depozitni račun 1411965320011288 Bosna Bank International d.d

